

南平縣志卷之八

風俗

班固曰凡民函五常之性而其剛柔緩急音聲不同係水土之風氣故謂之風好惡取舍動靜亡常隨在上之情欲故謂之俗然則移風易俗責有耑歸矣匡俗之道不可紐於已然不可急改其本然漸而易之由主治者之正心以正所治者之心人心正則不近利不爭名不惑於邪說不爲不軌不玩法不負其悍氣不安於惰不

南平縣誌

卷之八

風俗

一

曉曉於此疆彼界不相耀貧富而睦町化仁讓成淳龐之上理可幾也凡近城者習薄而每畏法居鄉者質厚而每失之野使薄者厚而野者馴莫如城鄉皆廣設學學校興則知禮義然文士多又懼其僞宜教之以誠誠者長官不欺士不欺民使士民皆不自欺而并不敢欺長官也要之敦俗之原總於勤統於儉士農工商皆習於勤則民勞而善心生所謂瘠土向善也持之儉以防其流以留有餘有餘則不爲盜不爭人

之所有而訟可息矣南平承四賢之遺教最深
士服詩書農安耕鑿男習於業女不出閭躡躡
然有端謹風結訟亦較他邑爲簡然生齒日繁
收入日尠而耗用頗奢有風俗之責者其如何
激勵裁抑之使之日進於充實日幾於淳古以
黼黻

聖朝休明之盛也哉志風俗

南平縣誌

卷之八

風俗

二

氏行

民之屬有九

儒農工商賈吏書卒
徒巫僧轉移執事者

儒為上五步

一塾十步一庠朝誦暮弦洋洋盈耳農胼胝汗

邪磽确崎嶇墾辟殆盡器用樸素市無奇技淫

巧難致之物吏役視官長為進退其為諛亦易

燭卒鮮獷巫僧習經懺無幻惑術其君子尚節

操而少脂韋其小人樸遯而吝嗇畏法而不敢

為非婦女事針黹不出戶非盛禮不加飾道路

乘籃輿行必導以男子編氓雖窮守死而不鬻

南平縣誌

卷之八

風俗

三

男女親戚相保尊卑以序不以貴賤殊異睦婣

任卹之行財產或不足而情意有餘貧賤之黨

戚誼彌篤

言語

閩省土音府殊而縣不同南平城內外獨無土

音但語言直樸上游諸鄉與順昌建寧相通漳

湖板以下則與省會音近

衣食

南平日三餐皆飯以食粥為耻惟夏晚間食之

民茹蔬菜雖富者不常珍間御珍亦無兼味無
茶坊酒肆酒惟鄉居有家釀如峽陽西芹徐洋
南溪漳湖坂大橫皆有庫酒發扛漳湖坂酒如
福州造法生納甕中以籠糠煨熟峽陽之酒則
從延製釀甯尙如法城中市酤酒人或煎蔗糖
爲膏益之火燒以助色增釀或加酒母酒母者
壓糟踰年潤回之汁也入酒味重飲之令人頭
眩又有入藥者酒壞則搽以石灰皆損人一種
白酒厚者名雙倍年來米貴雙倍轉下昔之短
白前輩諺云無客不提壺胥徒多嗜酒有不粒
食而終日醉鄉者近里居亦罕不提壺之家
宴會向用高頭如古饗禮示恭儉之意肴取豐
潔不貴難致之物近漸卽於奢殆于二簋可用
享八簋不可維宴云

衣尙布色惟青碧鮮用帛娶婦一製鮮衣三時
一襲暑易以葛足矣履襪多家製面衣用禪緇
袍與裘皆鮮近服漸美往往履絲曳縞少年袍
裕備或有重裘者

居處

城中多傍山結廬僅避風雨雕甍畫棟曲檻迴廊無有也惟厓隙岷嶿舉足有登陟之勝烟嵐縹緲放眼得山水之觀向有藏春峽水雲村觀物園今或爲廟爲畦爲墟矣

處室之間率一夫一婦雖富貴罕置側室供役代力多用傭保亦少常畜

南邑少遠遊之人平居憚于應酬薦紳皆荷戶簡出淡素不改生平

南平縣誌

卷之八

風俗

五

生業

延平道學流風庠序莘莘而脯資淡薄以季次原憲之操相砥礪或傭書自給士如此其難也耕以謀食而山多田少所獲不能食五人焉地當閩越孔道宜爲一都之會上游百貨東出南雅房村西出上洋郡城欲置轉輸一埠無所庸之徵貴徵賤居人旣拙於謀而又憚遠出鹽商質庫悉他鄉客惟百工之屬或居其二三焉僅矣府史胥徒藉以代耕乃有人滿之患庶幾息

者食力易免饑寒云

新興梅西峽陽梅南之地多產茶民以茶爲業
羅源雲蓋太平餘慶之地多產筍民以筍爲業
演仙仁洲金砂保福之地多產紙民以紙爲業
凡懸巖邃林之處多蕈蕈非自生也斫木絕根
節斫如魚鱗狀經霜雪旭冬溫則碌碌芻芻而
生焉土人畏其僻寂艱險強半汀州與浙東人
業之沿澗向陽之山多杉木柵民與山主夥爲
業十年之計惟富者優爲之

南平縣誌

卷之八

風俗

六

近城之民灌園畜池終歲勤動不足衣食年來
烟草獲利栽者日夥城堦山陬彌望皆是且有
植於稻田者

歲時

元旦五鼓比屋淨室焚香陳菓酒焚楮幣拜神
祇祖先爆竹喧闐謂之開大門少長序拜親朋
稱賀謂之賀春三日市不列肆謂之節假五日
各執所事謂之開假親朋交相宴飲謂之春敘
立春先一日郡守令祀勾芒神於東郊迎土牛

於府俟交春時鞭之人競取其土爲宜年
正月初九傳爲玉皇誕辰清晨淨几焚香以奉
之

上元夜祀先戶各燃燈謂之元宵燈里社自初
八九各製花燈迎神填塞街衢簫鼓達旦里人
尙書劉璋客中憶延平有最是元宵風景好花
燈萬朶鬧樓臺之句

清明婦女帶柳士庶祭掃先塋牲醴外用青樹
葉染秫米爲飯團或用餅餠餠和艾祭畢以楮

南平縣誌

卷之八

風俗

七

錢掛墓

春三月各坊社擇吉延黃冠設壇禮醮以祈福
迎所祀神以祓不祥

端午懸蒲艾于門切蒲根和雄黃酒飲之俗謂
解毒以箬葉裹米爲粽祀先兼用牲果分親戚
謂之分節合和香藥儲以綉囊製繭虎飾圓蒜
以錦結長命縷令小兒佩之邑人競渡龍舟先
時遊人或命侶泛舟放標賭勝近年百物翔貴
絕無此風

夏五六月鄉人擊鼓揭旂詣溪源菴披雲道院等處乞香火謂之保苗若歲旱則嗟呼於神以禱雨

七夕女兒備瓜果祭牛女雙星乞巧於庭

中元祀先焚楮錢衣冠大戶設齋菓餽餽及冥錢等物延僧道爲焰口蒙山謂之施食

白露祭掃墳墓如清明

中秋前各里社設壇祀塔或紙製或瓦壘張燈結綵笙歌徹夜觀者如市士民祭墓半於是日

南平縣誌

卷之八

風俗

八

攜牲饌拜祭如故

重陽士庶結伴登高蒸栗糕飲茱萸酒以解惡氣

冬至粉米爲團以祀其先粘果樹以達陽氣民間不相賀

臘月擇日掃室宇潔器物二十四夜祀竈里人傳神升天至除夜燃香燈迎之

歲除民間祀先謂還年以酒米牲菓相餽謂之分年除夕蒸飯儲之謂之歲飯蒸米粉爲糕謂

之年糕兒女燃燈圍爐達旦謂之守歲是夕各
戶門前火光燭天爆竹相聞以辟鬼祟

婚姻喪祭

婚姻之禮重門戶雖世契非媒妁不自締結六
禮必虔星期保母扶輪伴婆翼以行三日而後
廟見見畢旋馬乃執婦事事於姑見於妯宜其
室家雖編氓弗敢越特不親迎講禮者有遺議
云

喪禮親始死跣而哭散髮具沐浴奉含爲餘閣

南平縣誌

卷之八

風俗

九

之祭殮以新服親朋畢至告成服七日而受弔
日上食三朝夕哭旣葬反而虞俗尙浮屠昏則
延僧道誦經燃燈每七設齋供拜懺施食六旬
糊舟焚之輟哭哭則朔望曉昏葬而行揚旛鳴
鐃導以鼓吹詩禮之家不作佛事不鳴鐃鼓吹
或用之葬擇地卜期牽於堪輿日者之言有數
十年未窆窆者祭以四時特祭以牲忌日品無
恒宗祠之祭以春秋二仲各循其規

禁忌

胎教自古所尚南邑尤忌工作雖鄰里聞斧鑿之聲必禁止箍桶糊窓疎塞補缺皆在所禁犯則墮胎或生子不備甚則傷孕婦分娩後忌鎖鑰能令兒不乳

小兒麻痘燃栢木桃枝忌生人厭尤忌喜憂事慶弔歸戒勿入其室

雜俗

里畝榆枌之外有藍雷之族是謂畚民莫原其始言語各殊而質樸鄙俚男女力作墾山爲業

南平縣誌

卷之八

風俗

十

租庸不及焉自爲婚姻罕與外人酬酢世際昇平亦佃民田耕耨間有一二讀書者乾隆五年編畝隸籍亦有入庠者烝烝然染華風矣

依山傍谷誅茅縛屋而居曰棚民攜山禾山芋桐茶杉漆靛苧蕃薯之種挈眷而來披荆棘驅狐狸種之率皆汀泉漳永之民三四年後土瘠薄輒轉徙歲時各隨其鄉之俗其人獷悍初至少謙謹生齒漸盛財用稍足便自桀驁爲土人患哀鴻遂爲鷹鷂識者慮之

浮家泛宅往來激浦蘆漪之間日漁人停泊多
傍灘頭得魚易粟飽則酣眠不必徵逐鄉人紀
歲華也

亦有游民居無常業衣食乏則靡所不爲子弟
從之往往流蕩譬如流水何以坊之庶無淪胥
以敗

南平縣誌

卷之八

風俗

七